

萊中選

寄京師道友

只爲功虧行闕故教不免東西自從別後二年期路轉風塵萬里
詞寄燕山道眾聽予至囑休疑外緣雖幹內忘機免卻前
頭懊悔

又

人事雖然久厭道家爭忍空歸不因勤苦到關西焉得重陽慶
會說與門中志士祖庭已見根基終南山色古今奇老者堪
爲久計

贈儒士王子正

道藏輯要

葆光集

巽

川集十

本性元虛不二奈何情慾交加人能頓悟道生涯世態分明是
假更要深通玄奧須當拂去矜誇含光默默養靈芽便是無
爲造化

巫山一段雲

秋陽觀作

十九遊仙子隨師歷八荒西臨回紇大城隍到處見農桑一
種靈瓜甚美赤縣幾人知味大千沙界有多般鶴駕復東還

又

塞北三年轉天西萬里迴飄飄雲駕漸東來無不笑顏開道
德崢嶸功大行滿決超三界十方仙子行功圓得見太平年